


大清會典

六十六




| | | |
|------|------|----|
| 內閣文庫 | | |
| 函 | 冊 | 類 |
| 一四 | 一八九九 | 漢書 |
| 架 | 冊 | 號 |

| | | |
|------|------|----|
| 內閣文庫 | | |
| 函 | 冊 | 類 |
| 一四 | 一八九九 | 漢書 |
| 架 | 冊 | 號 |

| | | |
|------|----------|------|
| 內閣文庫 | | |
| 番號 | 漢 | 1899 |
| 冊數 | 141(66) | |
| 函號 | 295 | 1 |







大清會典卷之七十三

禮部三十

朝貢二

西番各寺

烏思藏

按烏思藏即吐番地。順治五年。闡化王入貢。定貢期三年一次。貢道由陝西。十七年。大寶法王。灌頂國師。圓通妙濟國師。從雲南進貢。

順治五年。陝西巡撫奏稱烏思藏闡化王。遣索訥木刺希喇嘛。率一千人進貢。繳送明季所給誥命三道。勅四道。鍍金銀印一顆。奉旨換給。禮部題定。三年進貢一次。每次以百人進貢。

准十五人到京。其餘留邊。著爲定例。其回時。馬匹車輛。及沿途食用火牌。兵部給發。仍行陝西布政司。給與勘合。送部存案。俟再來時對照。禮部差通事序班。送至河州衛。交該撫護送出境。○七年。闡化王差噴錯堅挫等喇嘛進貢。至京。繳明季所給誥命六道。勅書五道。勅諭二道。鍍金銀印一顆。禮部題准。換給噴錯堅挫等八人誥命八道。鍍金銀印一顆。○十年。闡化王遣索訥木畢拉西等進貢。○十三年。闡化王遣噴錯堅挫入貢。繳明勅書三道。玉印一顆。禮部題准。

換給誥命

貢物

鍍金銅佛 三尊

畫佛 十軸

銅塔 十座

舍利子 三顆

珊瑚 七株

犀角 四隻

黃左髻帽 十六頂

各色璣瓊 二百一十八疋

各色花璣瓊 五十疋

各色璣瓊綿 二十疋

阿魏 五觔

黑香 十四觔

白海螺 二十箇

白纓子 五箇

黑纓子 十三箇

順治十七年。雲南督撫。題稱番僧進貢○如來
大寶法王哈里麻巴。差僧齋捧漢字印表一封
番字印表一封。併進貢方物。又灌頂國師掌赤
帽。灌頂圓通妙濟國師大悉都。差僧齋捧番字
印表一封。併進貢方物
大寶法王貢物

釋迦佛舍利子一顆

番像銅佛一尊

金輪一面

珊瑚一朶

犀角一隻

珍珠一串計一百一十五顆

寶石數珠一串計一百四顆

琥珀珠一串計一十八顆

慈獸皮一張

虎皮一張

豹皮一張

狛狛獠皮一張

梵祖紅一件

各色稍氎四端

各色氎四端

白纓一束

青纓一束

花褐一端

花璫璫二端

灌頂國師貢物

銅佛一尊

金輪一面

犀角一隻

珊瑚二朶

珍珠一串計一百五顆

琥珀一串計一百四顆

花布

疋一

花線

條一

各色璣璣

端五

花褐

端一

灌頂圓通妙濟國師貢物

番像銅佛

尊一

金輪

面一

珍珠

一串計八十九顆

珊瑚

顆五

花布

端一

花璣璣

端一

藍璣璣

端一

狛狛獠皮

張一

洮岷番寺

按洮州岷州有番僧有番族順治十七年圓覺寺進貢康熙二年番僧二十一寺換給勅書五年又給五寺勅書共二十六寺分為四族定貢期三年一次貢道由甘肅

順治十七年陝西巡撫奏稱圓覺寺番僧后只

卽丹子繳明所給誥命一道勅書二十一道肅

謹戒行圖書一方懇請換給併請進貢承襲禮

部題准應授后只卽丹子為護印番僧綱司僧

官給與

勅書一道銅印一顆令鈐束各寺番僧其繳送勅

書二十一道俱應換給至成化間所封弘濟光

教大國師不便換給○康熙二年后只卽丹子

進貢來京○十四年甘肅提督奏稱后只卽丹

子恪守

勅印。糾兵攻賊。禮部題准承襲弘濟光教大國師。賜以鍍金銀印。仍給

誥命。其所頒護印番僧綱司

勅印。掣繳送部。○二十一年。圓覺等六寺番僧后

只卽丹子等進年貢。及謝

恩進貢。并請給國師頂帽。及番僧俸祿。禮部題准。給

高頂僧帽一頂。撥賜岷州衛屬官地五頃。免其

納糧

貢物

舊有畫佛。珊瑚棗。酥油。柞力麻。延壽果。鵬膀。舍利子。後俱免進

馬

六疋

青木香

十二桶

附載二十六寺

圓覺寺

大崇教寺

講堂寺

刹藏寺

弘教寺

洪福寺

法藏寺

朝定寺

石崖寺

魯班寺

羊圈寺

永安寺

廣善寺

昭慈寺

洪濟寺

崇隆寺

寶淨寺

寫兒朶寺

讚林寺

永寧寺

廣德寺

三竹寺

裕竜寺

藏經寺

荔川寺

工布寺

康熙二年題准。洮岷番僧二十一寺。繳送舊勅。

換給

勅書。其番僧分爲四族。定三年一次進貢。○五年。

岷州衛法藏等寺番僧進貢。禮部題准。三竹裕

竜藏經三寺。既經修理。給發

勅書。荔川工布二寺。俟修完日。再行請給。○九年。

魯班等七寺番僧進貢。○十二年。岷州衛崇隆

等五寺番僧進貢。○十五年。禮部議准。法藏寺

僧丁桑節落旦。應爲法藏寺番僧綱司。給與

勅書。洮州着落寺番僧楊都綱。應爲僧正司僧正。

給與

勅書

貢物

舊有珊瑚棗。杵力麻。延壽果。酥油。後俱免進。

馬五疋

青木香

十桶

河州番寺

順治八年。河州弘化寺。顯慶寺。莊浪感恩寺。進貢。十年。莊浪報恩寺。端嚴寺。進貢。貢道俱由陝西。

順治七年。陝西總督咨稱河州總理國師韓禪
巴。遣徒繳明所給勅書一道。銅印一顆。禮部題
准換給。○八年。陝西巡撫奏稱河州衛鎮祥堡
顯慶寺灌頂大國師丹巴堅錯。繳明所給鍍金
銀印一顆。都總銅印一顆。勅諭一道。誥命一道。
弘化寺普應禪師諾爾布堅錯。繳明所給銀印
一顆。都綱司銅印一顆。勅諭一道。莊浪感恩寺
番僧盧老藏靈真。繳明所給劄付一張。禮部題
准俱行換給。○十年。陝西巡撫奏稱莊浪弘山
報恩寺番僧閔左巴靈真進貢。繳明所給都綱
勅印。禮部題准換給。又給車輛。併口糧馬草。送
至陝西。○陝西總督奏稱河州端嚴寺喇嘛山
丹屯柱進貢。繳明所給勅書一道。劄付一張。象
牙圖書一方。禮部題准換給
勅書一道。劄付一張。併給靖勅法戒四字。象牙圖
書一方。宴賞畢。給驛馬。沿途口糧。令回陝西
貢物。舊有佛像。銅塔。番犬。後俱免進

馬

璫璽

舍利子

酥油

駱駝

豹皮

西寧番寺

順治十年。西寧瞿曇等九寺進貢。又西納演教寺進貢。貢道俱由陝西

順治十年。陝西總督奏稱西寧衛瞿曇等九寺國師禪師喇嘛進貢。繳明所給誥勅印劄。懇請換給。禮部題准。瞿曇寺國師公葛丹淨。封為灌頂淨覺弘濟大國師。給鍍金銀印一顆。渣思歡卓爾。封為觀定廣濟弘善國師。給慈光普照象牙圖書一方。各給

誥命勅諭一道。其都總拉思俄卓爾。給都總

勅諭一道。銅印一顆。○淨寧菩提寺國師。沙拉索

南封為妙聖惠濟觀定大國師。給鍍金銀印一顆。

誥命勅諭各一道。劄付一張。○淨覺寺國師。班珠

兒堅錯。封為淨慈優善國師。給銀印一顆。

誥命勅諭各一道。國師喇嘛渣西堅錯。給弘修善

道。象牙圖書一方。靈真堅叅。給心性了無象牙

圖書一方。且巴舍拉。給堅修梵性象牙圖書一

方。各給

勅諭一道。○慈利寺國師。札思巴統諸。封為弘善

演教國師。給銀印一顆。

勅諭一道。劄付一張。○慈利寺禪師毛錯南宮哈。封爲妙勝禪師。給銀印一顆。

勅諭一道。劄付一張。○延壽寺國師張捨拉朋錯。封爲廣濟弘修國師。給銀印一顆。

誥命勅諭各一道。○普法寺國師丹進堅錯。封爲妙善通惠國師。給銀印一顆。

誥命勅諭各一道。國師下喇嘛索南巴爾丹。給妙靜弘修象牙圖書一方。

勅諭一道。○吉祥寺禪師洛藏喇且。封爲福教禪師。給銀印一顆。

誥命勅諭各一道。○伊兒結寺喇嘛格拉堅錯。給弘演宗尙象牙圖書一方。

勅諭一道

貢物

瞿曇寺進

舍利子七顆

琥珀八顆

捨剌獠皮二張

狐皮四張

馬十二匹

藏菩提數珠二串

各色璣璠二十疋

狼皮二張

酥油二罈

淨寧菩提寺進

舍利子 顆七

琥珀 顆八

阿魏 封一

酥油 罈二

駱駝 隻一

淨覺寺進

舍利子 顆七

琥珀 顆十

各色璣瓊 疋十二

馬 疋六

慈利寺國師進

舍利子 顆三

琥珀 顆二

酥油 包二

慈利寺禪師進

舍利子 顆三

琥珀 顆二

阿魏 封一

酥油 罈一

佛眼數珠 串二

各色璣瓊 疋十二

黑香 封一

馬 匹六

酥油 罈二

佛眼數珠 串二

白海螺 筒二

酥油 罈二

馬 匹四

佛眼數珠 串一

各色璣瓊 疋十二

馬 匹四

佛眼數珠 串一

各色璣瓊 疋六

黑香 封一

馬 匹四

酥油 罈一

馬 匹四

延壽寺進

舍利子 三顆

琥珀 二顆

酥油 二罐

普法寺進

舍利子 三顆

琥珀 二顆

酥油 二罐

吉祥寺進

舍利子 二顆

黑香 一封

馬 二匹

伊兒結寺進

佛眼數珠 二串

阿魏 一封

各色璣璣 四疋

馬 二匹

西納番寺

順治十年。陝西總督咨稱西納演教寺喇嘛班珠兒盆錯進貢。繳明所給勅印執照。禮部題准。

佛眼數珠 一串

各色璣璣 八疋

馬 四匹

佛眼數珠 一串

各色璣璣 八疋

馬 四匹

阿魏 一封

各色璣璣 四疋

琥珀 二顆

黑香 一封

酥油 二罐

換給

勅書誥命各一道。通會靜覺銀印一顆。移文陝西
總督。取茶一千二百觔給發

貢物

舍利子二十顆

琥珀數珠二串

珊瑚數珠二串

藍石數珠二串

花琰二條

各色璽璽五十疋

菩提數珠二串

西城琰二條

腰刀二把

猢猻皮四張

艾葉豹皮四張

金錢豹皮四張

狼皮四張

狐皮四張

馬三十匹

駱駝二隻

牛十二隻

酥油四包

金川寺番僧

按金川寺在四川威州保縣。康熙四年。定貢期三年一次。道由四川

康熙四年題准。金川寺僧堅藏利卜。賫繳舊勅

舊印。三年一次進貢。每貢許一百人。起送八人

赴京。餘皆留邊

外國貿易

崇德間定。凡鳳凰城等處官兵人等。往義州市

會典卷之三十三
三
易者。每年定限二次。春季二月。秋季八月。寧古塔人。每年一次往會寧地方市易。庫爾喀人。每二年一次往慶源地方市易。禮部差朝鮮通事二員。寧古塔官員。驍騎校。筆帖式。各一員。前往監視。凡貂皮。獾皮。騷鼠。灰鼠。鹿狗等皮。准其市易。貂皮。水獺。捨猓。獾。江獺等皮。不准市易。定限二十日。卽回。○順治間定。凡外國朝貢來京。頒賞後。在會同館開市。或三日。或五日。惟朝鮮琉球。不拘期限。禮部移文戶部。先撥烏林人收買。各覆過部。方出示差官監視。令公平交易。槩不許收買史書。黑黃紫皂大花西番蓮緞疋。并一應違禁兵器。焰硝牛角等物。各舖行人等。將貨物入館。公平交易。染作布絹等項。立限交還。如賒買。及故意拖延騙指。致外國人久候。并私相交易者。問罪。仍於館前枷號一箇月。若外國人故違禁例。潛入人家交易者。私貨入官。未給賞者。量爲遞減。凡會同館內外四鄰軍民人等。代外國人收買違禁貨物。問罪。枷號一箇月。發邊衛克軍。如將一應兵器銅鐵違禁等物。賣與外國人圖利。比照私將軍器出境。因而走洩事情。

者律。將爲首者梟首示衆。交易時。禮部出示曉諭。○凡外國貢使歸國。伴送人員。不許將違禁貨物。私相交易。○康熙三年定。凡外國進貢。順帶貨物。貢使願自出夫力。帶來京城貿易者聽。如欲在彼處貿易者。該督撫選委能幹官員監視。毋致滋擾。○二十四年議准。外國貢船。所帶貨物。停其收稅。其餘私來貿易者。准其貿易。聽所差部臣。照例收稅。○又議准。凡貿易番船回國。除一應禁物外。不許搭載內地人口。及潛運造船大木鐵釘油蔴等物。糧米止准酌帶口糧。不許多販。貿易畢。回國時。該督撫遴委賢能官員。嚴查禁止夾帶。○凡內地人口。有流落外國。願附船回籍者。聽其歸還故土。具報該地方官。查明。准還原籍。○凡番船貿易完日。外國人員。一併遣還。不得久留內地。○凡貢船回國。帶去貨物。免其收稅。○又議准。兵器向來禁止。不許帶往賣給外國。但商人往來大洋。若無防身軍器。恐致劫掠。嗣後內地貿易商民。所帶火砲軍器等項。應照船隻大小。人數多寡。該督撫酌量定數。起程時。令海上收稅官員。及防守海口官

員查照數目。准其帶往。同時仍照原數查驗。

會同館

凡提督館務。順治初定。主客司滿漢主事各一員。提督該館事務。○十二年。設會同館掌印官一員。鑄給印信。由朝鮮通事內。以員外郎品級補授。提督館務。○康熙十二年。裁掌印官。該館一應事務。主客司公同料理。仍輪委一員專管。凡貢使來京。提督官據該督撫報文。查點正從人數。移付精膳司照例支送飲食等物。咨工部。應付鋪墊家伙等項。查照牲畜數目。咨戶部。給

發草料。咨兵部。撥官兵看守。傳該館通事序班官生等。赴館伺候。該館大使將進館時日。貢使人員數目。呈報本部。其該國表文章奏。提督官於到館次日。率貢使賫至本部呈堂。公同拆閱。歸儀制司具題。如有兩國同時進貢。一住館中。一咨工部。另行安插。凡貢使來京。

賜宴於禮部。令本部堂官待宴。其朝鮮國陪臣入貢。一次宴於禮部。一次宴於會同館。本部堂官待宴。

凡入貢員役有疾。提督官移付祠祭司。轉行太

醫院。取醫生調治

凡會同館夫役。分南北館。南館二十名。伺候貢人到京。擯運貢物。北館二十名。伺候外藩公主及賓客等。挑水供應。頒賞時。搬運桌張。氈單等項。別衙門并該司大使等官。不許佔用。

凡貢使馬駝。設一館於安定門。設三館於通州。

一在城內。
二在城南。

通州三館。設筆帖式一員。馬法二名。

安定門館。設筆帖式一員。馬法一名。分撥喂養。又設二場。主夏秋放牧。一在海子之西。一在良鄉縣之東。其僱夫牧養。撥官兵防護等事。仍係

主客司職掌。○各館馬駝牧養。每十匹。僱夫一名。令其鋤草挑水。安定門館夫。每日給銀七分。通州館夫。給銀八分。其煮料豆。添草。飲水。打掃等差。禮部另撥閑丁十一名承值。○康熙十三年。題准。嗣後外國馬駝。在內外館牧養時。每羣撥官一員。驍騎校一員。撥什庫一名。兵二名。監看牧養。至在場放青與落楂時。每羣官一員。兵十名牧放。如在通州館牧養。撥防護官兵。由禮部移咨兵部取用。每七匹僱夫一名。凡承值鋤草。添草。挑水。飲水。煮料。打掃等差。停其另撥閑

丁。俱僱民夫。每日各給銀一錢。每年核算。付精膳司具題奏銷。其支應貢使馬駝煮料。及印烙拴牌柴薪等事。該館大使。每季造冊呈報本部查核。移咨工部奏銷。○二十三年題准。安定門館。通州館。所設筆帖式。裁去。於禮部理藩院。派出官各一員。筆帖式各一員。共同監看喂養。每年更換。○又題准。兩館牧養馬駝。嗣後五十匹以上。每十匹用夫一名。如不及五十匹者。仍照前例。每七匹用夫一名。

通事

順治初。於

京師及

盛京。鳳凰城。牛庄。山海關。共設朝鮮通事二十二員。其各國貢使至。俱係司賓序班。專掌承應。○十四年。設員外郎品級通事一員。掌會同館印。六品通事六員。七品通事七員。八品通事七員。無品通事一員。共二十二員。承應朝鮮每年進貢。頒

詔。封王。及妃。世子。赦審等事。并往會寧慶源地方交易。○康熙十二年題准。裁掌印通事。酌留六

會典卷之二十三
品通事四員。七品通事二員。八品通事二員。鳳凰城通事二員。其

盛京牛庄山海關三處通事盡裁。其在京陞轉。如六品員缺。於七品通事內。照俸在先者頂補。七品員缺。以八品頂補。八品員缺。取本旗原裁去通事。照原品級頂補。如無裁去之員。在鳳凰城通事內。撤來頂補。鳳凰城員缺。以本旗閑散人擬爲八品。鳳凰城通事缺出。仍俟裁去通事頂補完日。挨旗取閑散人頂補。八年滿日。實授八品。○十三年題准。朝鮮通事乏員。於裁去通事內。每翼各取二名。共添四名。論旗次序。照原品級。承應朝鮮各項事宜。

選補序班

順治二年。設通事序班。及通事官生。共三十員。名。○九年。設通事序班。共十六員。○十五年題准。會同館帶俸序班。止存十三員。准其全留。凡外國進貢來京。專任引朝。

賜宴。伴送出境等事。其肄業官生無定額。凡有世業子弟。通曉譯語者。准其劄館肄業。俟司賓序班員缺時。挨次頂補。學習三年滿日。精通譯語者。

支米。又三年滿日。題授冠帶。又三年滿日。咨吏部具題。實授司賓序班。

凡鴻臚寺司賓序班員缺。禮部移文順天學院。山東山西河南各學道。咨取生員。填註年貌籍貫。起送到部。考取儀度端莊。聲音洪亮者。咨送吏部題補。其鳴贊員缺。該寺於序班內。選正副二員。呈送禮部選定。轉咨吏部題補。

歲進茶芽

歲進茶芽。順治初。係戶部職掌。七年。改屬禮部。俱從上產處所起解。轉送該衙門供用。各有定數。具列於後。

順治七年。禮部照會產茶各省布政司。每年穀雨後十日起解。定限日期到部。延緩者叅處。江南省。常州府限四十六日。廬州府限二十五日。廣德州限四十六日。浙江省。杭州府限五十二日。湖州府限五十二日。寧波府限六十一日。紹興府限五十五日。處州府限七十日。溫州府限六十七日。金華府限六十四日。衢州府限六十七日。台州府限七十一日。嚴州府限五十八日。江西省。南昌府限六十日。南康府限五十一日。

贛州府限八十三日。袁州府限七十九日。臨江府限六十五日。九江府限五十五日。瑞州府限六十四日。建昌府限七十五日。撫州府限七十三日。吉安府限七十一日。廣信府限七十五日。饒州府限六十一日。南安府限九十日。湖廣省武昌府限五十四日。岳州府限七十一日。寶慶府限五十九日。長沙府限八十一日。福建省建寧府限七十八日。○十二年題准。薦新芽茶。務遵期赴部。如有玩延。將督撫布政司。一并叅處。

○康熙十七年題准。浙江江南湖廣福建應解芽茶。俱照江西例。布政司彙齊。仍應穀雨後十日。照例起解。其江南省六安霍山茶芽。仍另委官起解。於進到時。卽會同光祿寺交送內務府收供。

內用

江南省歲解芽茶。戶部冊開四百八十觔。內廬州府六安州霍山縣三百觔。實解三百六十袋。每袋重一觔十二兩。共茶六百三十觔。廣德州七十五觔。建平縣二十五觔。常州府宜興縣八十觔。順治八年。添入常州府解南茶二十觔。康熙五年。減六安茶。止解一百

二十袋。計二百一十觔。○十一年。添取六安茶八十袋。計一百四十觔。○二十三年。添取六安茶一百袋。計一百七十五觔。共計額解茶三百袋。五百二十五觔。內六安州茶六十四觔。十二兩。霍山縣茶四百六十觔。四兩。通計廣德常州廬州三處。共額解芽茶七百二十五觔。

浙江省。歲解茶芽共五百五觔。

杭州府屬。四十觔。 湖州府屬。三十二觔。

寧波府屬。二百六十觔。紹興府屬。四十觔。

台州府屬。一十五觔。 金華府屬。二十二觔。

衢州府屬。二十觔。 嚴州府屬。一十八觔。

溫州府屬。二十五觔。 處州府屬。三十三觔。

江西省。歲解茶芽共四百五十觔。

南昌府屬。七十三觔。十五兩。

南康府屬。二十五觔。 贛州府屬。一十一觔。

袁州府屬。一十八觔。 臨江府屬。四十七觔。

九江府屬。一百二十觔。瑞州府屬。三十觔。

建昌府屬。二十三觔。 撫州府屬。二十三觔。

吉安府屬。二十觔。一兩。廣信府屬。二十二觔。

饒州府屬。二十七觔。 南安府屬。一十觔。

福建省歲解茶芽共二千三百五十觔

建寧府屬薦新茶六百二十九觔

探春茶五十九觔 先春茶一千二十三觔

次春茶四百十二觔 紫筍茶二百二十七觔

湖廣省歲解茶芽共二百觔

武昌府興國州六十觔

岳州府臨湘縣一十六觔

寶慶府武崗州二十四觔 邵陽縣二十觔

新化縣十八觔 長沙府安化縣二十二觔

寧鄉縣二十觔 益陽縣二十觔

每歲茶芽合計四千二百三十觔

大清會典卷之七十四

禮部三十五

給賜

朝廷給賜內外官員及外國番彝人等。或出自特恩。或定有成例。除戶部理藩院掌行者。分見各衙門外。其事隸主客司者。具列於後

纂修

凡修

實錄。崇德二年。

太祖實錄成。賜大學士。鞍馬各一匹。銀各五十兩。學士。

馬各一匹。銀各四十兩。漢學士。銀各四十兩。筆

帖式。銀各二十兩。○康熙十一年。

世祖實錄成。賜監修總裁。每員鞍馬一匹。銀一百兩。大蟒紗一疋。大綵緞表六疋。裏七疋。副總裁。每員鞍馬一匹。銀八十兩。大蟒紗一疋。大綵緞表五疋。裏六疋。纂修官。每員銀五十兩。紗一疋。大綵緞表四疋。裏五疋。收掌官。翻譯。謄錄。滿洲。蒙古。字官。每員銀三十兩。紗一疋。大綵緞表二疋。裏三疋。謄錄。漢字。廕監生。監生。生員。每名銀十兩。綵緞表一疋。裏一疋。綾一疋。執事人役。供事官。每名銀八兩。綵緞表一疋。裏一疋。紡絲一疋。紙。

匠。每名銀五兩。布五疋。於戶部。工部。太僕寺。移取。在禮部頒給。○二十一年。

太宗實錄成。賞總裁纂修大小各官。及執事人役。俱與十一年例同。

凡修

玉牒。順治十八年。

玉牒成。於康熙元年頒賞。總裁王。表裏各十疋。銀二百兩。副總裁大學士。表裏各五疋。銀一百兩。侍郎。學士。啓心郎。表裏各四疋。銀八十兩。纂修侍讀。學士。郎中。表裏各二疋。銀四十兩。編修。主事。

表裏各一疋。銀三十兩。謄錄收掌官。每員銀二十兩。書辦。每名銀十兩。紙匠。每名銀五兩。俱於戶部工部移取。在禮部頒給。○康熙九年。

玉牒成。總裁王。副總裁大學士等。照元年例。副總裁貝勒。表裏各七疋。銀一百五十兩。纂修員外郎。表緞二疋。裏一疋。銀三十五兩。其餘纂修謄錄收掌官。書辦。匠役等賞。俱照元年例。○十九年。玉牒成。照前例給賞。

凡修史。順治三年。

勅修明史。賞總裁官。鞍馬各一疋。銀各五十兩。副總裁。馬各一疋。銀各四十兩。纂修侍讀。銀各四十兩。編修。檢討。撰文中書。銀各三十兩。辦事中書。銀各二十兩。謄錄官。銀各十五兩。○四年。修遼金元三國史。賞翻譯蒙古字侍讀。撰文中書。馬各一匹。銀各三十兩。謄錄蒙古字侍讀。銀各四十兩。○七年。繕寫三國史成。賜大學士。鞍馬各一匹。銀各五十兩。學士。馬各一匹。銀各四十兩。侍讀。銀各四十兩。撰文中書。銀各三十兩。辦事中書。銀各二十兩。

監撰

順治間定。凡監撰

皇太后徽號冊寶詔書。

皇后

皇貴妃冊寶詔書。賜大學士。馬各一匹。綵緞表裏各二疋。銀各五十兩。學士。馬各一匹。綵緞表裏各一疋。銀各二十兩。其餘執事大小官員。儒士。太監。匠役。欽天監擇日各官。賞緞布銀兩有差。凡監撰

祖宗神牌。玉冊寶。詔書。賜大學士。銀各二百兩。綵緞表裏各八疋。同監撰。大學士。各賜銀一百五十兩。

綵緞表裏各四疋。其執事大小官員。太監等。各給銀兩有差。○凡監撰寫

祖宗神牌。玉冊寶。香冊寶。詔書。賜大學士。銀各二百兩。蟒緞表裏各八疋。同監撰。寫大學士。各賜銀一百五十兩。綵緞表裏各四疋。黠

神主大學士。加賜銀五十兩。綵緞表裏各一疋。其執事大小官員。太監。工匠。撥什庫。書辦。各給銀兩有差。○十四年。監撰寫

祖宗神牌詔書。賜大學士。銀各一百五十兩。表裏各四疋。同監撰。寫大學士。各賜銀七十兩。表裏各一

正。執事官員。匠役。欽天監。擇日各官。各給銀兩。有差。

視學

順治九年。

聖駕臨雍。行釋奠禮。後三日。

賜衍聖公。蟒緞朝衣一領。貂冠一頂。滿漢祭酒。司業。鑲領袖緞袍各一件。監丞。典簿。博士。助教。學正。學錄。五經博士。筆帖式。孔氏生員。顏曾孟仲氏生員。素緞袍各一件。滿漢教習。及各監生以下。賞銀有差。於戶工二部移取。在。

午門前頒給。○康熙八年。

皇上臨雍。各項給賜。俱與順治九年同。

外國

凡外國進貢。例有回。

賜國王禮物。及賞給貢使人員什物。各國事例不同。康熙二十四年。

皇上懷柔遠人。

特諭酌增賞賜。以示厚往薄來之意。茲分列於後。

朝鮮國

崇德二年。朝鮮國王。遣使恭進。

聖節。元旦。冬至。禮物。回

賜國王。鞍馬一匹。貂皮一百二十張。銀一百兩。賞正副使。鞍馬各一匹。貂皮各十張。銀各五十兩。靴各一雙。書狀官。大通官。押物官。貂皮銀兩靴。從人。銀兩。各有差。○五年。賞朝鮮國王。王子。鞍馬一匹。貂冠一頂。貂裘狐裘各一件。羅緞袍各一件。靴一雙。賞太監甲將。通事外郎。貂皮銀兩。各有差。○順治十年。題准。朝鮮國王。賀

萬壽聖節。及元旦。遣使朝貢。回

賜國王。鞍馬一匹。黑貂皮二十張。

折綵緞 貂皮一

百張。

折銀一百

銀一百兩。賞正副使。大緞各一

疋。帽緞各一疋。彭緞各一疋。紡絲各一疋。紬各

一疋。銀各五十兩。靴各一雙。鞍馬各一疋。賞書

狀官。大通官。押物官。緞紬銀兩靴。從人銀兩。各

有差。○又進歲貢。及賀冬至。遣使朝貢。回

賜國王。併賞正副使。俱如前。惟不給鞍馬。其書狀官以下員役。賞給有差。○康熙二十三年。議准。朝鮮國。解送漂海內地人口。賞差官銀三十兩。小通事銀八兩。從人銀各四兩。於戶部移取。禮部

恩宴一次。嗣後外國。如有解到漂失船隻人口。俱照此例賞宴遣還。其彼處收養漂失人口之人。行令該國王獎賞。

琉球國

順治十一年。琉球國遣官進貢。

賜國王。蟒緞二疋。綵緞六疋。藍緞三疋。素緞二疋。閃緞二疋。錦三疋。紬四疋。羅四疋。紗四疋。

賜王妃。綵緞四疋。粧緞一疋。閃緞一疋。藍緞二疋。素緞二疋。錦二疋。羅四疋。紗四疋。賞差來王舅。綵緞表裏各四疋。閃緞一疋。紬四疋。羅二疋。紗

四疋。賞正議大夫。綵緞表裏各三疋。藍緞一疋。紬二疋。羅二疋。紗二疋。賞使者。綵緞表裏各二疋。藍緞一疋。紬一疋。羅一疋。紗一疋。賞通事。從人。緞紗紬布銀兩。各有差。○康熙三年。琉球國遣使謝。

恩進貢。回

賜國王。蟒緞二疋。綵緞四疋。藍緞二疋。素緞二疋。閃緞二疋。錦二疋。紬二疋。羅二疋。紗二疋。賞差來王舅。綵緞表裏各四疋。羅四疋。靴一雙。綵緞三疋。賞紫金大夫。綵緞表裏各四疋。羅三疋。靴

一雙。賞使者。綵緞表裏各二疋。折鈔布四疋。賞
通事。從人。緞布有差。四年。五年。俱照三年例。○八年。琉球
國進年貢。照例給賜。惟正使不係王舅。與副使
正議大夫賞同。康熙十年。二十年。二十二年。俱照八年例。○二十四
年議准。琉球國王原賞緞二十疋。今加三十疋。
共表裏五十疋。

荷蘭國

順治十三年。荷蘭國遣使人貢。回

賜國王。大蟒緞二疋。粧緞二疋。倭緞二疋。閃緞四
疋。花緞八疋。藍緞四疋。帽緞四疋。素緞四疋。綾

十疋。紡絲十疋。羅十疋。銀三百兩。使臣二員。每
員賞大蟒緞一疋。粧緞一疋。倭緞一疋。花緞六
疋。藍緞三疋。綾四疋。紡絲四疋。絹四疋。銀一百
兩。賞標官。粧緞一疋。倭緞一疋。花緞三疋。藍緞
一疋。綾二疋。紡絲二疋。絹二疋。銀五十兩。賞通
事。從人。緞。紬。絹。銀各有差。○康熙三年。荷蘭國
遣出海王助兵勦賊。賞銀一千兩。大蟒緞四疋。
粧緞四疋。錦四疋。綵緞表裏各二十四疋。又
賜荷蘭國王。銀二千兩。大蟒緞五疋。粧緞五疋。倭
緞五疋。錦五疋。閃緞五疋。片錦五疋。綵緞表裏

各三十五疋○六年。荷蘭國遣使入貢。奉

旨。照順治十三年例頒賞。再加

賜國王。大蟒緞一疋。粧緞一疋。倭緞一疋。片錦一疋。閃緞一疋。帽緞一疋。花大緞二疋。藍緞一疋。素緞一疋。綾四疋。紡絲四疋。絹二疋。加賞正使。蟒緞一疋。大緞一疋○二十五年。荷蘭國遣使入貢。回

賜國王。及賞正使。俱照康熙六年加賞例。其副使。照順治十三年標官例給賞。又賞彙日官。掌書記。伴送官。通事。從人。緞紬絹袍銀兩各有差

安南國

順治十八年。安南助兵勦賊。

賜國王。大蟒緞二疋。粧緞二疋。錦二疋。綵緞表裏各十二疋。銀五百兩○康熙元年。安南擒獻僞王。照前賞表裏三十疋。再加賞三十疋。銀一千兩○三年。安南進貢。

賜國王。大蟒緞二疋。粧緞二疋。錦二疋。倭緞二疋。閃緞二疋。綵緞表裏各十疋。賞差來陪臣。每員緞表裏各五疋。紗一疋。羅一疋。絹五疋。靴一雙。賞通事。行人。從人。緞紗羅絹紬布靴。各有差

年七

十三年。二十一年。並同。○二十四年題准。安南國王。原賞緞三十疋。今加二十疋。共表裏五十疋。

暹羅國

康熙四年。暹羅國遣官進貢。

賜國王。緞六疋。織金緞四疋。錦四疋。紗六疋。織金紗四疋。羅六疋。織金羅四疋。

賜王妃。緞四疋。織金緞二疋。紗四疋。織金紗二疋。羅四疋。織金羅二疋。賞正副使。每員折衣織金羅二疋。折帽帶綵緞二疋。靴一雙。正賞綵緞四疋。羅四疋。絹二疋。布一疋。折織金衣緞表裏各

一疋。賞通事。從人。緞羅絹布靴有差。○七年。暹羅國差官進貢。

賜國王。王妃。與四年同。賞正副使。每員緞七疋。羅四疋。織金羅二疋。絹二疋。裏袖一疋。布一疋。靴一雙。通事。從人。及留邊人役。賞給有差。十二年。給賞例同。○二十三年題准。暹羅國照例賞賜外。其靴俱折絹。嗣後琉球等國賞靴。俱照例折絹。○二十四年題准。暹羅國王。原賞緞三十四疋。今加十六疋。共表裏五十疋。

西洋國

會典卷一百一十四
十一
康熙九年。西洋國遣使進貢。

賜國王。大蟒緞三疋。粧緞三疋。倭緞三疋。閃緞五疋。片錦一疋。花緞十疋。藍緞五疋。帽緞五疋。素緞五疋。綾十四疋。紡絲十四疋。羅十疋。絹二疋。銀三百兩。賞使臣。大蟒緞一疋。粧緞二疋。倭緞二疋。帽緞一疋。花緞六疋。藍緞三疋。綾四疋。紡絲四疋。絹二疋。銀一百兩。賞護貢官。從人。緞袖綾絹銀各有差。○十七年。西洋國遣使進獅子。照九年例。

賜國王。外加大蟒緞一疋。粧緞一疋。倭緞一疋。片金一疋。閃緞一疋。帽緞一疋。花緞二疋。藍緞一疋。素緞一疋。綾四疋。紡絲四疋。袖二疋。共一百疋。賞貢使。照九年例。外加綾二疋。紡絲二疋。絹一疋。共三十疋。護送官。從人。各加賞有差。

土魯番

順治三年。土魯番進貢。分五等給賞。都督頭目。每名賞綵緞表裏各五疋。絹四疋。二等人。每名綵緞表裏各三疋。絹二疋。四等人。每名綵緞表裏各二疋。絹一疋。布一疋。五等人。每名綵緞表裏各一

正。絹一疋。紵絲衣一套。靴各一雙。又加賞緞十五疋。其進貢物。回

賜綵緞表裏各十二疋。絹一百五十三疋。布三十二疋。○十三年。土魯番進貢。回

賜緞三百三十八疋。絹七百一十四疋。撰

勅一道。頒給使臣賚回。其差來頭目。仍分五等給賞。與三年例同。頭目自進禮物。亦給賜緞布有差。○康熙十一年。土魯番進貢。回

賜緞十八疋。絹三百三十疋。撰

勅一道。頒來使賚回。其差來頭目。仍分五等給賞。○二十年。土魯番五地彙目。進小貢來京。禮部題准。嗣後停止貢馬。仍賞表緞十疋。○二十四年。題准。土魯番進貢時。照所進貢物。回賜絹疋外。原賞緞十疋。今加六疋。共表裏十六疋

西番各寺

順治五年。烏思藏闡化王。差喇嘛入貢。回

賜闡化王。表緞四疋。裏緞四疋。又加賞闡化王。蟒緞。粧緞。倭緞。共二十疋。賞來京番僧。表裏緞各一疋。紅紵絲衣各一套。又加賞總領喇嘛。蟒緞一疋。銀十兩。僧徒。及留邊人。各賞緞絹布紵絲

衣茶各有差○七年進貢。照五年定例賞給。無加賞○十年進貢。照前定例頒賞。加賞闡化王。粧緞一疋。倭緞一疋○十三年進貢。換給新勅玉卮。賞闡化王。錦二疋。紵絲表裏各十疋。袈裟僧衣一套。高頂僧帽一頂。水晶數珠一串。響鈸二副。鈴杵二副。白瓷茶鍾二箇。滿答刺一副。鸞帶一條。靴襪各一雙。茶一百觔。檀香一炷。其差來護卮喇嘛。自進璫璽。每名賞紅彭緞一疋。紅布二疋。進貢賞賜。仍照定例行。

康熙二年。圓覺寺僧綱司。后只卽丹子。並五寺喇嘛。進貢來京。賞綵緞表裏各一疋。紵絲衣一套。靴一雙。其餘喇嘛。各賞綵緞表裏各一疋。紅布夾衣一件。靴一雙。其貢馬。每匹。賞表緞一疋。裏絹一疋。又加賞綵緞一疋。鞍一副○二十一年。后只卽丹子進貢。加賞緞四疋。又給高頂僧帽一頂。其袈裟。衣裙。靴襪等項。俱改金黃色。從人。賞布各四疋。

順治八年。陝西河州。弘化顯慶二寺國師等喇嘛進貢。每名賞綵緞表裏各一疋。紵絲衣一套。布一疋。靴襪折銀。茶六十觔。其進馬。每匹賞紵

會典卷一百四
絲一疋。絹一疋。及折鈔銀。駝每隻賞綵緞表裏各三疋。絹四疋。

順治十年。陝西演教寺國師等進貢來京。賞國師綵緞表裏各一疋。紵絲衣一套。布一疋。靴襪一雙。餘各賞綵緞表裏各一疋。布一疋。靴襪一雙。衣一件。其貢馬。每疋賞綵緞表裏各一疋。絹一疋。又賞國師銀茶桶一具。銀盆一圓。鞍一副。紅緞僧衣一件。緞四疋。其進貢駱駝。每隻賞綵緞表裏各三疋。絹四疋。茶一千二百觔。至陝西總督處支領。

順治十年。莊浪弘山報恩寺都綱。閆左巴靈真進貢。賞金黃紬夾衣一件。夾袈裟一件。賞班第紅布夾衣各一件。所進馬匹。共賞表緞四疋。裏緞四疋。

順治十年。陝西河州端嚴寺喇嘛山丹屯桂。以換給。

勅書圖書劄付。進貢來京。賞綵緞表裏各一疋。紅紵衣一套。靴襪各一雙。加賞鞍一副。綵緞一疋。所進馬匹。賞綵緞一疋。絹一疋。

順治十年。西寧瞿曇等九寺喇嘛。請換

勅印進貢來京。賞各寺國師。禪師。喇嘛。每名綵緞表裏各一疋。紵絲衣一套。靴襪各一雙。賞班第僧徒。每名紅布衣一件。靴襪各一雙。所進馬。每匹賞綵緞表裏各一疋。絹一疋。駱駝。每隻賞綵緞表裏各三疋。絹四疋。又加賞國師。每名綵緞二疋。鞍一副。禪師。喇嘛。每名綵緞一疋。鞍一副。順治十八年。雲南大寶法王進貢。灌頂國師。灌頂圓通妙濟國師附貢。賞法王。粧緞一疋。綵緞表裏各三疋。賞國師。粧緞各一疋。綵緞表裏各二疋。紅緞各三疋。賞來京喇嘛。綵緞表裏各一疋。紅紬夾衣各一件。單袈裟各一件。單裙各一條。靴襪各一雙。布各一疋。

東海諸部落

天聰七年。使犬部落僧格額駙。率眷屬來朝。賞朝衣。袍帽。帶。靴襪。有差。○八年。黑龍江霸爾達齊等進貢。分三等賞賜。蟒緞。紬布。衣服等物。又因進貢貂皮。賞隨從人布袍。有差。

順治五年。索倫部落佐領阿濟布等進貢。分三等賞賜。朝衣。袍帽。帶。靴。緞。紬布等物。有差。○十年。使犬部落富思哈喇等十姓。貢貂歸誠。賞來

會典卷之十四
京頭目。朝衣。帽帶靴。紬布等物。加賞掛鞍馬。賞
從人袍帽帶靴。紬布等物。餘姓未來頭目。賞朝
衣各一件。○十一年。索倫部落巴霖木圖等。進
貢來京。賞二等三等人。袍帽帶靴。緞紬布等物。
有差

大清會典卷之七十四

